



Vang kommune

ArkivSakID: 18/68
JournalpostID: 19/5519
ArkivID: K2 - K01
Saksbehandlar: Ingeborg Lunde
Møtedato: 12.09.2019

Delegert sak

Saksnr.	Utval
164/19	Hovudutval for utvikling

Høring av forskriftsframlegg

Vedlegg:

12.09.2019	Forskrift om kommunale løyper for catskiing i Vang kommune	141474
17.09.2019	Konsekvensutgreiing - beltebilløype Tyin-Filefjell	141641
03.11.2019	Konsekvensutgreiing - beltebilløype Raudalen	143576
05.11.2019	Merknadsrapport	143722
11.11.2019	Samla innspel frå førehandsvarsel (301718)	143985
11.11.2019	Kartlagde og verdsette friluftslivsområder i Vang kommune	143986
11.11.2019	Referat møte Thor Østbye 10.10.19	143996
13.11.2019	Rapport Vang kommune kartlagde og verdsette friluftslivsområde	89155
09.10.2019	Høring av lokal forskrift - adresseliste	142623

Saksopplysningar:

Bakgrunn

Vang kommune er ei av 6 kommuner som har blitt tildelt forskriftsmynde til å fastsetje beltebilløyper i lokal forskrift frå Miljødirektoratet som ein del av ei forsøksordning. Fastsetjing og lokalisering av dei enkelte traseane skal skje gjennom ein lokal prosess i henhold til forskrift for bruk av motorkøretøy i utmark og på islagte vassdrag §4b, jfr. § 4a tredje til åttande ledd. Det er kommunestyret som har mynde til å fastsetje beltebilløyper for catskiing.

Vang kommune fekk beskjed om at ein var plukka ut til å vere med i denne forsøksordninga 7. mai 2018, og forsøket har ein varigheit på 6 år frå denne datoen.

Løypene skal vera trasear for persontransport med tyngre trakkemaskinar på vinterføre, som utgangspunkt for alpin skikøyring. Ved utarbeiding av forskrift for etablering av løyper for catskiing skal kommunen nytte rettleiing utarbeidd for fastsetting av snøskuterløyper til fornøyleskøyring.

I Vang er det vurdert to trasear, ei i tilknytning til Tyin/Filefjell Skisenter og ei i tilknytning til Raudalen Alpin.

Heimel

Heimelsgrunnlaget for prøveordninga med catskiing kom på plass i 2017, motorferdsellova §4a tredje ledd og ny bestemmelse i forskrift for bruk av motorkøyretøy i utmark §4b. Det er kommunestyret som har mynde til å fastsetje beltebilløyper for catskiing.

I tillegg har miljødirektoratet gitt følgjande rammer for forsøksordninga:

- Kommunen må ha grunneigar sitt samtykke.
- Persontransport skal foregå etter faste beltebilløyper.
- Løypene kan kun nyttast for persontransport med tyngre trakkemaskinar eller beltebilar med ei eigenvekt på over 400 kg.
- Løypetraseane skal køyres opp på vinterføre med natursnø, og heile løypa skal ha berande snølag for å unngå markskade.
- Ordninga gjeld berre i eksisterande alpinanlegg, som ei forlenging av skiheis.
- For opprettelse av løypetrasear gjeld dei same rammer og krav til prosess som for fastsetjing av kommunale snøskuterløyper, jf. forskrift §4a, 3.-8. ledd.
- Miljødirektoratet har presisert at forsøksordningen på 6 år gjeld frå datering av deira brev, den 7. mai 2018. Dvs. at forsøksordninga vil gjelde til og med vintersesongen 2023/2024.

Forvaltningslova sitt kapittel VII gjeld for utarbeiding og vedtak av løypekart og vilkår med dei særreglar som følgjer av forskriftsa si § 4a, tredje ledd. Tilsvarande gjeld forvaltningslova si kapittel VI om klageadgang, med dei særreglar som går fram av § 4a, åttande ledd.

Prosess

For å sikre medverknad i prosessen har det blitt sendt ut førehandsvarsel i samband med at Vang kommune starta arbeidet med å utarbeide forskrift for catskiing. Førehandsvarselet vart fyrst sendt ut 23.09.19 i tillegg til annonse i avisa Valdres. Den 04.10.19 vart det sendt ut identisk førehandsvarsel til seks nye partar som ein såg burde ha vore inkludert fyrste gong. Adresselise ligg vedlagt. Det har til saman kome inn seks innspel til førehandsvarselet, dei ligg samla i vedlegget *Samla innspel frå førehandsvarsel* og er gått gjennom i dokumentet *Merknadsrapport*.

Planavdelinga har i arbeidet med å utarbeide forskrift gjennomført møte med Tyin Filefjell Utvikling og Beitostølen Resort for å avklare beltebiltrasé. I arbeidet med konsekvensutgreiing har planavdelinga gjennomført møte med Thor Østbye for å vurdere naturmangfaldet.

Det er gjort avtale med grunneigarane der beltebilløypene er planlagt å gå. På Tyin-Filefjell er det avtale med Bø- og Grøvtølen Sameige som gir Tyin/Filefjell Utvikling tillatelse til å kjøre over eigendomen i samband med catskiing i perioda 1. desember til 15. mai kvart år. Sameiget har sikra seg rett til, på 6 månedars varsel, å sei opp avtalen. På Slettefjell har Midtre Slettefjell Sameige i fyrste omgang gjeve tillatelse til catskiing for eitt år på deira eigedom.

Det er hovudutval for utvikling (HU) som har mynde til å vedta å legge forskrift på høyring. På HU møtet den 08.10.19 la planavdelinga fram status på arbeidet og følgjande framlegg til vedtak som vart vedteke samrøystes av HU:

Hovedutvalet for utvikling delegerar administrasjonen mynde til å legge forskriftsframlegg til høyring etter at:

1. *innspel frå førehandsvarslinga er gått gjennom og teke omsyn til i lokal forskrift.*
2. *avbøtande tiltak som blir gjort greie for i konsekvensutgreiinga blir teke omsyn til i lokal forskrift.*

Vurdering:

Planavdelinga i Vang kommune har utarbeidd ei konsekvensutgreiing for kvar av dei to beltebilløypene som er føreslått, ei for Tyin/Filefjell og ei for Raudalen Alpin. Konsekvensutgreiingane klargjer korleis ein tek omsyn til rammer og føringar gjeve i motorferdsellova og forskrift for bruk av motorkøyretøy i utmark. Med bakgrunn i konsekvensutgreiingane og innspela er det utarbeida eit forslag til kommunal forskrift for prøveordninga med catskiing i Vang kommune.

Rådmannen vurderar at ein med føreslegen forskrift tek omsyn til konsekvensutgreiinga og dei innkomne innspel på ein slik måte at verknadane av å opne opp for catskiing er akseptable. Det er mellom anna sett vilkår til talet turar per dag, lovleg sesong, løypetrase og krav til rutinar for å sikre tryggleiken.

Rådmannen tilrår at forslag til forskrift med konsekvensutgreiing og kart blir sendt på høyring. Slutthandsaming vil bli i kommunestyret etter høyring.

Dersom kart og forskrift blir vedteke skal beltebilløype for catskiing teiknast inn i kartet til kommuneplanen sin arealdel.

Vedtak:

Forskrift om kommunale løyper for catskiing i Vang kommune med konsekvensutgreiing og kart blir sendt på høyring i tråd med forvaltingslova §37 og plan- og bygningsloven §11-14.

Høyringsfrist er sett til 10. januar 2020.